

Izvještaj o radu Uprave policije za period januar – juni 2012. godine

1. KRIMINALITET

Kriminalitet na području Kantona Sarajevo u periodu januar - juni 2012. godine u odnosu na isti period prethodne godine, posmatrano kroz statističke pokazatelje, karakteriše smanjenje broja, registrovanih krivičnih djela za 10,9%, prijavljenih lica za 7,9%, maloljetnih izvršilaca za 36,6%, povratnika u činjenju krivičnih djela za 5,3% i lica lišenih slobode za 15,3%.

U periodu januar – juni 2012. godine, registrovano je 3.245 krivičnih djela, što je za 397 djela ili 10,9% manje nego u periodu januar – juni 2011. godine.

U 1.068 slučajeva (32,9% od ukupnog broja djela), krivična djela su izvršena od strane poznatih izvršilaca, a 2.177 krivičnih djela (ili 67,1%), prijavljeno je po nepoznatom učinocu, od kojih su za 1.053 naknadno otkriveni izvršioc (ili 48,4% od ukupnog broja prijavljenih djela po nepoznatom), što znači da je u izvještajnom periodu, za ukupno 2.121 krivično djelo identifikovan osumnjičeni izvršilac ili 65,4% što je za 3,4% više u odnosu na uporedni period.

Uporedni pokazatelji kriminaliteta po mjesecima u periodu januar – juni 2012. godine

mjesec 2012.godine	januar	februar	mart	april	maj	juni	6 mj
broj krivičnih djela	535	405	560	622	589	534	3.245
broj rasvijetljenih djela	341	281	363	420	379	337	2.121
% ukupne rasvijetljenosti KD	63,7%	69,4%	64,8%	67,5%	64,3%	63,1%	65,4%
broj prijavljenih lica	288	205	295	299	303	289	1.679
broj povratnika	196	145	211	206	183	192	1.133
broj lica lišenih slobode	114	91	122	126	126	127	706

Za izvršenje navedenih djela prijavljeno je 1.679 lica, od kojih su 1.133 povratnika (ili 67,5% prijavljenih), 102 maloljetnika, a 706 lica je lišeno slobode (ili 42%).

U odnosu na uporedni period manji je broj, prijavljenih lica za 144 (ili 7,9%), povratnika za 61 (ili 5,1%), maloljetnika za 59 ili (36,6%) i lica lišenih slobode za 128 (ili 15,3%).

U ovom periodu za 738 službenih izvještaja, od strane Kantonalnog tužilaštva, donesena je naredba o obustavi i neprovođenju istrage (287 ili 28% manje).

KRIVIČNA DJELA	jan.-juni 2011	jan.-juni 2011.	uporedba br.KD		"ukupna rasvjetljenost"	
			+ / -	%	br. KD	%
Protiv ustavnog poretka Federacije	0	2	-2	---	0	---
Protiv života i tijela	108	94	14	14,9%	101	93,5%
Protiv slobode i prava čovjeka i građanina	106	125	-19	-15,2%	101	95,3%
Protiv spolne slobode i morala	5	14	-9	-64,3%	4	80%
Protiv braka, porodice i mladeži	114	104	10	9,6%	114	100%
Protiv zdravlja ljudi	137	109	28	25,7%	137	100%
Protiv privrede, poslovanja i sigur. plat. prometa	3	7	-4	-57,1%	3	100%
Iz radnih odnosa	1	0	1	---	1	100%
Protiv imovine	2.420	2.800	-380	-13,6%	1.327	54,8%
Protiv okoliša, poljoprivrede i prirodnih dobara	6	4	2	50,0%	5	83,3%
Protiv opće sigurnosti ljudi i imovine	58	76	-18	-23,7%	49	84,5%
Protiv sigurnosti javnog prometa	34	40	-6	-15,0%	34	100%
Protiv pravosuđa	12	12	0	isto	13	108,3%
Protiv javnog reda i pravnog prometa	185	179	6	3,4%	176	95,1%
Protiv podmićivanja i krivična djela protiv službene i druge odgovorne funkcije	9	11	-2	-18,2%	9	100%
Zakon o nabavljanju, držanju i nošenju oružja i municije (Sl.novine Kantona Sarajevo br. 38/07)	47	65	-18	-27,7%	47	100%
UKUPNO	3.245	3.642	-397	-10,9%	2.121	65,4%

KRIVIČNA DJELA PROTIV ŽIVOTA I TIJELA

Tokom izvještajnog perioda prijavljeno je 108 krivičnih djela protiv života i tijela (14 više u odnosu na isti period 2011. godine) od kojih je za 101 ili 93,5% poznat učinilac.

Zbog postojanja osnova sumnje da su ih počinili podneseni su službeni izvještaji protiv 123 lica (13 manje), od kojih su 72 povratnika ili 58,5%, a 45 je lišeno slobode (devet manje).

Evidentirana su slijedeća krivična djela: ubistvo iz člana 166. KZFBiH-a – tri djela (isti broj djela), ubistvo u pokušaju – osam djela (tri manje), teška tjelesna ozljeda – 55 (sedam više), lahka tjelesna ozljeda – 36 (devet više) i učestvovanja u tuči – šest djela (jedno više).

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 106 djela (19 manje) i to: ugrožavanje sigurnosti – 104 djela, otmica i narušavanje nepovredivosti doma – po jedno djelo. Zbog izvršenja navedenih djela prijavljeno je 107 lica od kojih su 64 povratnika u činjenju krivičnih djela (ili 59,8%), a 29 je lišeno slobode. Sva djela ugrožavanja sigurnosti počinjena su upućivanjem verbalnih prijetnji, pisanih poruka i sl. bez težih posljedica po oštećene.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je pet djela (devet manje) i to: bludne radnje – tri i silovanje – dva djela. Za izvršenje djela iz ove oblasti prijavljeno je pet lica, koja su lišena slobode i uz službene izvještaje predata nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 114 krivična djela (10 više) i to: nasilje u porodici – 111, oduzimanje djeteta ili maloljetnika – dva i izvanbračna zajednica sa mladim maloljetnikom – jedno djelo. Službeni izvještaji podneseni su protiv 116 lica od kojih je 60 lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 148 lica (28 više), zbog postojanja osnova sumnje da su počinili 137 krivičnih djela (28 više) i to:

- neovlašćena proizvodnja i stavljanje u promet opojnih droga – 26 djela (dva više) i
- posjedovanje i omogućavanje uživanja opojnih droga – 111 djela (26 više).

Zbog zloupotrebe opojnih droga 77 lica je lišeno slobode (34 više).

U ovom periodu podneseno je 118 zahtjeva za vještačenje NN materije koja asocira na drogu po naređenju nadležnih tužilaca Kantonalnog tužilaštva Kantona Sarajevo (19 više). Takođe s ciljem pronalaženja narkotičkih sredstava izvršen je pregled 87 lica (dva više), 38 stanova (isti broj) i većeg broja automobila po usmenim naredbama Opštinskog suda u Sarajevu.

(tabela 6.) Pregled oduzete opojne droge

VRSTA OPOJNE DROGE	JANUAR-JUNI 2012. GOD.	JANUAR-JUNI 2011. GOD.
Marihuana (u gramima)	41.239,27	42.650,00
Marihuana (paketići)	224	294
Marihuana (JOINT - cigarete)	15	11
Heroin (paketići)	23	24
Heroin (u gramima)	1.832,00	48
Amfetamin (paketići)	88	118
Amfetamin (u gramima)	427,00	3.182,00
Ecstasy (tablete)	---	28
Kokain (u gramima)	---	20
Kokain (paketići)	---	1
stabljike Cannabisa	---	3
MIX masa za Heroin (u gramima)	---	6.000,00
pribor sa ostacima droge (komada)	31	34

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ prijavljena su tri djela (četiri manje) i to prijevara u privrednom poslovanju, za čije izvršenje je prijavljeno jedno lice.

Takođe, izvršenjem krivičnih djela iz ove oblasti i krivičnih djela koja su u vezi sa „privrednim kriminalom“, a svrstana su u druge Glave KZFBiH-a, koja su registrovana od strane Odjeljena za privredni kriminal i to: prijevara – 17, pronevjera u službi – četiri, nesavjestan rad u službi – dva, zloupotreba položaja ili ovlaštenja i davanje lažnog iskaza – po jedno djelo, a koja su prijavljena u prvih šest mjeseci 2012. godine, nastupila je materijalna šteta u ukupnom iznosu od 362.201,98 KM.

(tabela 7.) Pregled nastale materijalne štete izvršenjem krivičnih djela iz oblasti protiv „privrede“

“SUBJEKTI”	januar - juni 2012. godine	januar - juni 2011. godine
PRIVREDNI SUBJEKTI	203.944,78 KM	195.399,82 KM
BUDŽET FBiH	---	92.900,00 KM
FIZIČKA LICA	158.257,20 KM	107.873,11 KM
UKUPNO	362.201,98 KM	396.172,93 KM

KRIVIČNA DJELA PROTIV IMOVINE

Broj registrovanih krivičnih djela iz ove oblasti čini 74,6% ukupnog kriminaliteta što predstavlja smanjenje ovog parametra u odnosu na uporedni period za 2,3%, kada su „imovinski delikti“ činili 76,9% ukupnog kriminaliteta. Naime, registrovano je 2.420 djela iz ove oblasti što je za 380 djela ili 13,6% manje.

Najbrojnija djela iz ove oblasti su: teške krađe – 1.533 (356 manje), krađe – 377 (jedno više), razbojništva – 261 (27 više), oštećenje tuđe stvari – 90 (isti broj), teška krađa u pokušaju – 45 (23 manje), prijevara – 36 (četiri više), prikrivanje – 27 (19 manje), utaja – 21 (jedno manje), razbojnička krađa – pet¹ (dva više), itd.

Za ukupno 1.327 djela ili 54,8% identifikovan je osumnjičeni počinitelj, što je u odnosu na isti period prethodne godine, povećanje za 2,4%.

Objekti napada pri vršenju krivičnih djela protiv imovine najčešće su bila motorna vozila 591 (44 više), stambeni objekti – 482 puta (308 manje), poslovni prostori i prodavnice – 311 (101 manje), na ulici – 99 (24 manje), itd., pri čemu je otuđivan novac, motorna vozila, tehnička roba, zlatni nakit, auto-dijelovi, cigarete, itd.

U prvih šest mjeseci ove godine na području Kantona Sarajevo izvršeno je 340 krivičnih djela teških krađa motornih vozila, od čega je 117 ili 34,4% vraćeno što je za 3,1% veći procenat povrata vozila. (od strane policije MUP Kantona Sarajevo vraćeno je 65 vozila, MUP-a RS-a – 16, drugih MUP-ova – tri, uz novčanu nadoknadu - dva, a 31 vozilo vlasnici su sami pronašli).

U odnosu na uporedni period broj otuđenih vozila, povećan je za 76 vozila ili 28,8%. Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 38 lica (četiri više) od kojih su 33 povratnika (ili 86,8%).

Na području Kantona Sarajevo u periodu januar – juni ove godine registrovano je 261 djelo razbojništva (27 ili 11,5% više).

Razbojništva su počinjena u prodavnicama - 105 puta, na ulici – 78, sportskim kladionicama – 43, na benzinskim pumpama – 15 puta, apotekama – šest, itd. Navedena djela izvršena su prijetnjom upotrebe vatrenog oružja – 83 puta, prijetnjom i upotrebom noža ili drugog oštrog predmeta (komad stakla, šrafciğer i sl.) – 72 i upotrebom fizičke snage – 106 puta.

Za ukupno 150 ovih djela ili 57,5%, identifikovan je osumnjičeni izvršilac što je za 10,7% više u odnosu na isti period 2011. godine.

Nasilno oduzimanje mobitela, nakita i sl. direktno se odražava na broj teških krađa na naročito opasan ili naročito drzak način. U ovom periodu evidentirano je 177 djela ove vrste (55 manje), od čega je 119 ili 67,2% rasvjetljeno, što je 20,2% veća rasvjetljenost. Za izvršenje ovih oblika teških krađa, prijavljena su 64 lica, od kojih je 51 povratnik (ili 79,7%), a 25 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 58 djela (18 manje) i to: izazivanje opće opasnosti – 48 djela, nesavjesno čuvanje pasa i drugih opasnih životinja – sedam, teška djela protiv opće sigurnosti ljudi i imovine – dva i izazivanje opće opasnosti u pomaganju – jedno djelo. Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 48 lica, od čega je 32 povratnika ili 66,7%, a 29 je lišeno slobode.

Pregled krivičnih djela „izazivanja opće opasnosti“ iz člana 323. KZ FBiH-a u periodu januar- juni 2012/11. godini na području Kantona Sarajevo

mjesec 2012/11.godine	januar	februar	mart	april	maj	juni	6 mj
januar – juni 2012. godine	6	4	7	15	7	9	48
januar – juni 2011. godine	10	16	16	8	9	9	68
Uporedba	-4	-12	-9	7	-2	Isto	-20

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 185 krivičnih djela (šest više) i to: nasilničko ponašanje - 79 djela, skidanje ili povreda službenog pečata ili znaka – 35, nedozvoljeno držanje oružja ili eksplozivnih materija – 29, napad na službenu osobu u vršenju poslova sigurnosti – 15, sprečavanje službene osobe u vršenju službene radnje – osam, itd. Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 205 lica, od kojih su 123 povratnika ili 60%, a 77 je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U periodu januar- juni 2012. godine **prijavljena su 102 maloljetnika** zbog osnova sumnje da su samostalno ili u grupi **izvršili 164 krivična djela**. U poređenju sa istim periodom 2011. godine, broj krivičnih djela za čije izvršenje su prijavljena maloljetna lica smanjen je za 103 ili 38,6%, a broj prijavljenih maloljetnih učinilaca ovih djela smanjen je za 59 ili 36,6%.

Pregled broja maloljetnih izvršilaca krivičnih djela za period januar-juni 2012. godine, prema starosnoj strukturi

Starosna struktura maloljetnika	do 14 godina	od 14 do 16	od 16 do 18	ukupno
Broj maloljetnih izvršilaca	11	48	43	102

Među maloljetnim učiniocima krivičnih djela, najveći broj je u dobi od 14 do 16 godina, dok je povratnika u izvršenju krivičnih djela 43 (ili 42,2%).

Posmatrano po organizacionim jedinicama MUP-a Kantona Sarajevo i broju službenih izvještaja koji su podneseni nadležnom tužilaštvu protiv maloljetnih učinilaca krivičnih djela u proteklih šest mjeseci 2012. godine, može se konstatovati da su maloljetnici najveći broj krivičnih djela izvršili na području **općina Novi Grad (34 ili 20,7%) i Centar (32 ili 19,5%)**.

Podaci sa kojima raspoložemo ukazuju na raznolikost krivičnih djela za koja su prijavljeni maloljetnici, ali su ipak **najbrojnija krivična djela protiv imovine-130 (ili 79,3%)**, pri čemu prevladavaju teške krađe(**54 ili 32,9%**). U odnosu na isti period prošle godine, u proteklih šest mjeseci smanjen je broj krivičnih djela razbojništva (za 33 ili 71,7%), teških krađa (za 18 ili 25%), teških krađa na naročito drzak i opasan način (za 13 ili 38,2%), i krađa (za 10 ili 28,6%).

Od ostalih krivičnih djela, maloljetna lica prijavljena su za izvršenje devet djela nasilničkog ponašanja, osam djela posjedovanja opojne droge, četiri djela nanošenja teške i tri djela nanošenja lahke tjelesne povrede, četiri djela ugrožavanja sigurnosti, dva djela izazivanja opće opasnosti i po jedno djelo nedozvoljenog posjedovanja eksplozivnih naprava i posjedovanja vatrenog oružja bez odobrenja, napada na službenu osobu u vršenju poslova sigurnosti i stavljanja u promet opojnih droga.

Pregled registrovanih krivičnih djela izvršenih od strane maloljetnih lica
za period januar- juni 2012/2011. godine

Naziv krivičnog djela	jan.-juni 2012.	jan.-juni 2011.	Usporedba
Ubistvo u pokušaju	0	2	-2 ili -100%
Teška tjelesna povreda	4	6	-2 ili -33,3%
Lahka tjelesna povreda	3	5	-2 ili -40%
Ugrožavanje sigurnosti	4	11	-7 ili -63,6%
Bludne radnje	0	1	-1 ili -100%
Iskorištavanje djeteta ili mladb radi pornografije	0	1	-1 ili -100%
Nasilje u porodici	0	3	-3 ili -100%
Neovlaš. proizvod. i stav. u promet opojnih droga	1	0	+1
Posjedov. i omoguć. uživanja opoj. droga	8	7	+1 ili 14,3
Krađa	25	35	-10 ili -28,6%
Krađa-pokušaj	1	0	+1
Krađa-pomaganje	1	0	+1
Teška krađa	54	72	-18 ili -25%
Teška krađa-pokušaj	7	12	-5 ili -41,7%
Teška krađa na naroč. opasan ili naročito drzak način	21	34	-13 ili -38,2%
T. krađa na nar. opas. ili nar. drzak način- saučiniteljstvo	0	2	-2 ili -100%
T. krađa na nar. opas. ili nar. drzak način- pokušaj	1	0	+1
Razbojništvo	13	46	-33 ili -71,7%
Razbojništvo- pokušaj	0	4	-4 ili -100%
Razbojništvo-pomaganje	1	0	+1
Oštećenje tuđe stvari	4	3	+1 ili 33,3%
Utaja	1	2	-1 ili -50%
Pomoć učinitelju poslije učinjenog krivičnog djela	0	1	-1 ili -100%
Paljevina	0	1	-1 ili -100%
Prikrivanje	1	0	+1
Izazivanje opće opasnosti	2	4	-2 ili -50%
Napad na sl. osobu u vršenju poslova sigurnosti	1	0	+1
Nasilničko ponašanje	9	11	-2 ili 18,2%
Nedozvoljeno držanje oružja i eksp. materija	1	0	+1
Krivotvorenje isprave	0	1	-1 ili -100%
ZONDINOM (čl. 52)	1	3	-2 ili -66,7%
ukupno	164	267	-103 ili -38,6%

AKTIVIRANJE MINSKO-EKSPLOZIVNIH SREDSTAVA

U periodu januar-juni 2012. godine registrovano je **devet slučajeva aktiviranja minsko-eksplozivnih sredstava** (pet ili 35,7% manje u odnosu na isti period 2011. godine), kojom prilikom su povrijeđena dva lica, a na nekoliko stambenih objekata i putničkih vozila nastupila je materijalna šteta.

U proteklom periodu prijavljeni su slučajevi postavljanja ručne bombe na putničko vozilo kao i u dvorištu porodične kuće na području općine Stari Grad, koje su policijski službenici izuzeli. U toku su aktivnosti na rasvjetljavanju ovih slučajeva i pronalaženju izvršilaca.

Registrovano je osam anonimnih dojava o postavljenoj eksplozivnoj napravi (14 ili 63,6% manje u odnosu na isti period 2011. godine) od kojih su se četiri odnosile na srednje škole. Nakon izvršenog KDZ pregleda utvrđeno je da su dojavae bile lažne. Preduzimajući aktivnosti na otkrivanju slučajeva anonimnih dojava u proteklom periodu, policijski službenici su u toku mjeseca februara ove godine identifikovali lice koje je krajem decembra 2011. godine uputilo dojavu o postavljenoj eksplozivnoj napravi u srednjoj školi na području općine Centar (maloljetni Đ.T., r.1996. godine).

POŽARI

U toku perioda januar-juni 2012. godine, na području Kantona Sarajevo registrovano je 67 požara (15 manje) sa materijalnom štetom. Prema statističkim pokazateljima, 34 požara su izazvano namjerno, devet zbog tehničkih nedostataka, pet nehatom, dok uzrok 19 požara spada u kategoriju ostalih.

Zbog izazivanja požara, nadležnom tužilaštvu je podneseno 13 službenih izvještaja: 11 iz člana 323 KZ FBiH (izazivanje opće opasnosti) i dva iz člana 301 KZ FBiH (paljevina).

SAMOUBISTVA

U prvih šest mjeseci 2012. godine na području Kantona Sarajevo registrovano je 19 samoubistava (dva više), koja su izvršena vješanjem – 13 puta, skokom sa visine – dva, pucanjem iz vatrenog oružja, trovanjem, presjecanjem vena i strujnim udarom – po jedno. Prema spolu, izvršiocu su osam žena i 11 muškaraca, od kojih su četiri lica u dobi od 20 do 30 godina, pet lica u dobi od 30 do 50 godina i 10 lica u dobi preko 50 godina.

2. JAVNI RED I MIR

Zbog raznih oblika narušavanja javnog reda i mira službenici policije su u periodu januar-juni 2012. godine podnijeli ukupno **2.524 prekršajna naloga i zahtjeva** za pokretanje prekršajnog postupka (naloga-1.593, zahtjeva-931), što u odnosu na prvo polugodište 2011. godine predstavlja **smanjenje za 763 ili 23,2%**. Prekršajne sankcije preduzete su **protiv 2.760 lica (818 ili 22,9% manje)**. Od ukupnog broja naloga i zahtjeva, 2.275 ili 90,1% odnosi se na prekršaje utvrđene Zakonom o prekršajima protiv javnog reda i mira, a 249 ili 9,9% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnosi se 268 ili 10,6% naloga i zahtjeva, 69 ili 2,7% na maloljetna lica i četiri ili 0,2% na strane državljane.

S obzirom na starosnu strukturu lica protiv kojih su u prvom polugodištu ove godine podneseni prekršajni nalozi i zahtjevi (ukupno 2.760), najveći broj je onih starosne dobi preko 36 godina (1.370), zatim starosti između 26 i 35 godina (847) i između 19 i 25 godina (452), dok je maloljetnih učinilaca prekršaja bilo 91 i oni su javni red i mir narušavali uglavnom tučama.

Prilikom narušavanja javnog reda i mira u periodu januar-juni 2012. godine, u slučajevima kada se radilo o prekršajima, nije bilo teže povrijeđenih lica (isto kao i u prvom polugodištu 2011. godine), dok je lakše povrijeđeno 216 lica (51 ili 19,1% manje)..

Pregled broja uručenih/podnesenih naloga i zahtjeva za pokretanje prekršajnog postupka za period januar-juni 2012. godine, po mjesecima

januar-juni 2012.	prekršajni nalozi	zahtjevi za ppp	ukupno
januar	289	101	390
februar	178	122	300
mart	289	168	457
april	271	170	441
maj	276	162	438
juni	290	208	498
ukupno	1.593	931	2.524

Posmatrano po mjesecima, najveći broj naloga i zahtjeva podnesen je u mjesecu junu, a najmanji u mjesecu februaru ove godine, s tim da je broj uručenih prekršajnih naloga znatno veći od broja podnesenih zahtjeva za pokretanje prekršajnog postupka (63,1% naloga). Najveći broj naloga i zahtjeva podnijeli su službenici policije Prve policijske uprave -1.142 ili 45,2% od ukupnog broja, protiv 1.216 lica, zatim Druge policijske uprave -557 ili 22,1%, protiv 603 lica, Treće policijske uprave -383 ili 15,2%, protiv 383 lica, Četvrte policijske uprave -268 ili 10,6%, protiv 345 lica i Pete policijske uprave-134 ili 5,3%, protiv 173 lica. Jedinica za saobraćaj uručila je 40 prekršajnih naloga, protiv 40 lica.

Posmatrano po policijskim stanicama, najveći broj prekršajnih sankcija preduzeli su službenici policijskih stanica Centar (713 ili 28,2% od ukupnog broja) i Novo Sarajevo (557 ili 22,1%) Pri tome, potrebno je istaći da se najveći broj prekršajnih sankcija koje su imali službenici policijskih stanica Centar, Stari Grad i Novo Sarajevo odnosi na prekršaje učinjene prosjačenjem, što je rezultat pojačanih aktivnosti na suzbijanju ovog oblika narušavanja javnog reda i mira, koje je najizraženije na području navedene tri općine, posebno u vrijeme turističke sezone, vjerskih. i drugih manifestacija.

Prema strukturi prekršaja iz oblasti javnog reda i mira, najbrojnija su prosjačenja-819; zatim tuče-458; naročito drsko ponašanje-365; odbijanje naređenja i omalovažavanje policijskih službenika-220; svađa, vika, nepristojno ponašanje-61; paljenje petardi-19, neovlaštena upotreba oružja-jedan; ostali prekršaji iz Zakona o javnom redu i miru-332.

U odnosu na isti period 2011. godine, povećan je samo broj prekršajnih sankcija zbog prekršaja učinjenih paljenjem petardi, broj prekršajnih sankcija zbog neovlaštene upotrebe oružja je na prošlogodišnjem nivou, dok je u svim ostalim slučajevima došlo do smanjenja broja prekršajnih sankcija iz oblasti javnog reda i mira.

Tabelarni pregled strukture prekršaja iz oblasti javnog reda i mira za koja su uručeni prekršajni nalozi i podneseni zahtjevi za pokretanje prekršajnog postupka za period januar-juni 2012./ 2011.godina

	januar-juni 2012.	januar-juni 2011.	uporedba
UKUPNO NALOGA I ZAHTJEVA	2524	3.287	-763 ili -23,2%
UKUPNO LICA	2760	3.578	-818 ili 22,9%
Prekršaji iz Zakona o prekršajima protiv JRiM:	2275	2.957	-682 ili 23,1%
<i>-Tuče</i>	458	581	-123 ili -21,2%
<i>-Naročito drsko ponašanje</i>	365	518	-153 ili 29,5%
<i>-Odbijanje naređenja i omalov. služb. policije</i>	220	224	-4 ili 1,8%
<i>-Svađa, vika, nepristojno ponašanje</i>	61	79	-18 ili -22,8%
<i>-Neovlaštena upotreba oružja</i>	1	1	0
<i>-Paljenje petardi</i>	19	3	+16 ili 533,3%
<i>-Prosjačenje</i>	819	1.136	-317 ili -27,9%
<i>-Ostali prekršaji iz Zakona o prekrš. protiv JRiM</i>	332	415	-83 ili -20%
Prekršaji prema Odluci OV o JRiM	249	330	-81 ili -24,5%

Prema mjestu izvršenja, a na osnovu broja naloga i zahtjeva, najveći broj prekršaja učinjen je na ulici i na drugim otvorenim prostorima- 2.049 (ili 81,2%); u ugostiteljskim objektima- 181 (ili 7,2%); školama i školskim dvorištima-37 (ili 1,5%), sportskim stadionima i dvoranama- 26 (ili 1%), trgovinskim i zanatskim radnjama-20 (ili 0,8%); vozilima javnog saobraćaja- 17 (ili 0,7%). Zbog prekršaja izvršenih na ostalim mjestima podnesena su 194 naloga i zahtjeva (ili 7,7%).

Prema prikazanim pokazateljima, povećan je broj prekršajnih sankcija zbog prekršaja kojima se narušava javni red i mir na sportskim terenima, u školama i školskim dvorištima, te u trgovinskim radnjama, dok je na svim ostalim mjestima taj broj smanjen.

Pored prekršajnih sankcija, policijski službenici su zbog krivičnih djela izvršenih u školama i školskim dvorištima nadležnom tužilaštvu podnijeli 23 službena izvještaja (jedan više u odnosu na isti period 2011. godine) i to zbog sljedećih djela: teška tjelesna povreda (dva djela), lahka tjelesna povreda (tri), nasilničko ponašanje (tri), teška krađa na naročito drzak i opasan način (četiri), krađa (tri), posjedovanje opojne droge (dva), krivotvorenje isprave (dva), ugrožavanje sigurnosti (dva), iznuda (jedno) i nesavjesno čuvanje pasa (jedno djelo).

Policijski službenici su u proteklih šest mjeseci 2012. godine učestvovali u osiguranju 1.103 javna skupa koja su održana na području Kantona Sarajevo, a u 149 slučajeva izvršeno je KDZ osiguranje ovih skupova (37 ili 33% više). Preduzimane su planske i organizovane aktivnosti kako bi svi skupovi, kao što su sportske, kulturne i druge manifestacije, protestna okupljanja građana², kao i skupovi kojima se obilježavaju događaji iz prošlosti i odaje počast poginulima u proteklom ratu u BiH, protekli bezbjedno.

3. SIGURNOST SAOBRAĆAJA

Tokom prvog polugodišta 2012. godine, stanje sigurnosti saobraćaja karakteriše povećanje ukupnog broja saobraćajnih nezgoda i nezgoda sa materijalnom štetom, dok je smanjen broj nezgoda sa nastradalim licima, te broj poginulih i povrijeđenih lica.

Registровано je 4.819 saobraćajnih nezgoda (225 ili 4,9 % više), 4.446 sa materijalnom štetom (264 ili 6,3 % više) i 373 sa nastradalim licima (39 ili 9,5 % manje).

U naselju je registrovano 4.612 saobraćajnih nezgoda (šest sa poginulim, 344 sa povrijeđenim licima i 4.262 sa materijalnom štetom), van naselja 207 nezgoda (tri sa poginulim, 20 sa povrijeđenim licima i 184 sa materijalnom štetom).

Registровано je 790 saobraćajnih nezgoda na raskrsnicama u naselju, sedam na raskrsnicama van naselja, pet na pješačkom prelazu, tri na nadvožnjaku, tri na prelazu preko željezničke pruge, jedna u tunelu i 4.010 saobraćajnih nezgoda čije se karakteristike ubrajaju u kategoriju ostalih.

Uporedni pokazatelji stanja sigurnosti saobraćaja na području Kantona Sarajevo
januar –juni 2012/2011.godine

	2012	2011	+, -, %
UKUPNO SAOBRAĆAJNIH NEZGODA	4.819	4.594	+ 225 ili 4,9 %
Saobraćajne nezgode sa nastradalim licima	373	412	- 39 ili 9,5 %
Saobraćajne nezgode sa materijalnom štetom	4.446	4.182	+ 264 ili 6,3 %
POGINULO LICA	9	14	- 5 ili 35,7 %
- vozači	2	5	- 3 ili 60 %
- putnici	0	3	- 3
- pješaci	7	6	+ 1 ili 16,7 %
POVRIJEĐENO LICA	478	528	- 50 ili 9,5 %
- vozači	194	219	- 25 ili 11,4 %
- putnici	128	177	- 49 ili 27,7 %
- pješaci	156	132	+24 ili 18,2 %

Tabelarni pregled broja saobraćajnih nezgoda po mjesecima
januar –juni 2012/2011.godine

godina	UKUPAN BROJ SAOBRAĆAJNIH NEZGODA PO MJESECIMA						ukupno
	JANUAR	FEBRUAR	MART	APRIL	MAJ	JUNI	
2012	757	963	772	699	813	815	4.819
2011	732	743	740	758	788	833	4.594
uporedba	+ 25 ili 3,4 %	+ 220 ili 29,6 %	+ 32 ili 4,3 %	- 59 ili 7,8 %	+ 25 ili 3,2 %	- 18 ili 2,2 %	+ 225 ili 4,9 %

Tokom izvještajnog perioda, u saobraćajnim nezgodama na području Kantona Sarajevo 487 lica je nastradalo (55 ili 10,1 % manje). Devet lica je poginulo (pet ili 35,7 % manje), dok je 478 lica povrijeđeno (50 ili 9,5 % manje), 71 teže i 407 lakše.

Sedam pješaka poginulo je u saobraćajnim nezgodama koje su se dogodile na području općina: Novi Grad – dva (u Ulicama N. Smailagića i na raskrsnici Ulica X transverzala i Safeta Hadžića), Ilidža – dva (u Ulicama Ustanička i Nikole Šopa), Stari Grad – jedan (na magistralnom putu M 5, u tunelu Vratnik), Hadžići – jedan (na magistralnom putu M 17, u blizini naselja Resnik) i Ilijaš – jedan (na pružnom prelazu u ulici Bosanki put).

Dva vozača poginula su u saobraćajnim nezgodama koje su se dogodile na području općina. Centar – jedan (na raskrsnici ulica Skenderija, Terezija i most Skenderija) i Vogošća – jedan (na magistralnom putu M 18, u mjestu Gora).

Od ukupno 478 povrijeđenih lica, 194 su vozača (25 manje), pješaka – 156 (24 više) i putnika – 128 (49 manje).

Kada je u pitanju stepen povreda, 18 vozača je teže, a 176 lakše povrijeđeno. Dvanaest putnika je teže, a 116 lakše povrijeđeno, dok je 41 pješak teže i 115 lakše povrijeđeno.

**Broj nastradalih lica u saobraćajnim nezgodama po kategoriji učesnika
januar – juni 2012/2011. godine**

	POGINULI			TEŠKO POVRIJEĐENI			LAKŠE POVRIJEĐENI		
	2012	2011	+, -, %	2012	2011	+, -, %	2012	2011	+, -, %
VOZAČI	2	5	- 3 ili 60 %	18	29	- 11 ili 37,9 %	176	190	- 14 ili 7,4 %
PUTNICI	0	3	- 3	12	12	isto	116	165	- 49 ili 29,7 %
PJEŠACI	7	6	+ 1 ili 16,7 %	41	25	+ 16 ili 64 %	115	107	+ 8 ili 7,5 %
UKUPNO	9	14	- 5 ili 35,7 %	71	66	+ 5 ili 7,6 %	407	462	- 55 ili 11,9 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 100 lica, od 25 do 30 godina – 90 lica, od 21 do 24 godine – 70 lica, itd.

Posmatrano po kategorijama puta, najveći broj saobraćajnih nezgoda registrovan je u ulicama u naselju – 3.962 nezgode gdje je 379 lica nastradalo (šest lica poginulo i 373 povrijeđena). Na magistralnim putevima registrovano je 485 saobraćajnih nezgoda u kojima je 56 lica nastradalo (tri lica poginula, 53 povrijeđena), na lokalnim putevima 131 nezgoda (21 lice povrijeđeno), na regionalnim putevima – 102 nezgode (14 lica povrijeđeno) i na putevima koji se ubrajaju u kategoriju ostalih – 139 saobraćajnih nezgoda sa 17 povrijeđenih lica.

UZROCI SAOBRAĆAJNIH NEZGODA

Osim ostalih uzroka (4.008), koji su za posljedicu imali šest poginulih i 278 povrijeđenih lica, najčešći uzroci saobraćajnih nezgoda bili su: neprilagođena brzina – 700 (dva lica poginula i 162 povrijeđena) i uticaj alkohola – 107 (jedno lice poginulo, 33 lica povrijeđena). Uticaj opojnih droga izazvao je tri saobraćajne nezgode u kojima je

pet lica povrijeđeno, dok je odron na putu izazvao jednu saobraćajnu nezgodu sa materijalnom štetom.

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su tokom izvještajnog perioda kontrolisali ukupno 125.578 vozila (6.154 manje).

Zbog tehničke neispravnosti, iz saobraćaja je isključeno 339 vozila (133 više), 2.782 vozača su zatečena da upravljaju vozilom pod dejstvom alkohola (68 manje), 5.717 bez korištenja sigurnosnog pojasa (359 manje), 1.408 bez položenog vozačkog ispita (414 više), a 1.306 vozača je učestvovalo u saobraćaju bez važeće registracije (153 više).

Zbog kršenja propisa iz oblasti sigurnosti saobraćaja uručeno je 75.695 prekršajnih naloga vozačima (3.078 manje), podneseno 175 zahtjeva za pokretanje prekršajnog postupka (četiri manje) i registrovana 34 krivična djela zbog ugrožavanja sigurnosti javnog prometa (šest manje).

3.3. MIRUJUĆI SAOBRAĆAJ I KONTROLA PJEŠAKA

Tokom prvog polugodišta 2012. godine, pripadnici Uprave policije su uručili 19.237 prekršajnih naloga vozačima koji nisu poštivali saobraćajne propise prilikom parkiranja (4.595 više u odnosu na isti period prošle godine), upozorili 2.532 vozača (342 manje), a specijalnim vozilom „pauk“ premjestili 1.304 vozila (190 manje). Zahtjeva za pokretanje prekršajnog postupka nije bilo.

Takođe, upozoren je 541 pješak (41 manje) i uručeno 468 prekršajnih naloga (139 manje). Zahtjeva za pokretanje prekršajnog postupka nije bilo.

4. ZAKONITOST U RADU

U periodu januar- juni 2012. godine registrovano je 15 napada (šest manje) na policijske službenike:

- U napadima su učestvovala 23 lica koja su lišena slobode, među kojima je jedan maloljetnik. Policijski službenici su tokom izvještajnog perioda 30 puta opravdano upotrijebili silu (četiri više).

U periodu januar-juni 2012. godine, registrovano 160 predstavki, među kojima je za 50 predstavki (10 manje) data saglasnost za sprovođenje unutrašnjih istraga, za 107 je donesen zaključak da su neosnovane, u dva slučaja stranka je odustala od žalbe, dok je u jednom slučaju zatražena informacija.

Postupano je po 14 predstavki iz ranijeg perioda, tako da su vođene istrage za ukupno 64 predstavke (17 manje).

Okončane su 42 predstavke, među kojima za 16 nije bilo dovoljno dokaza, u 14 slučajeva predstavke su osnovane, u devet slučajeva neosnovane, dok je u tri slučaja stranka odustala od žalbe. Uz saglasnost Ureda za pritužbe javnosti, postupano je po 94 razna akta koji nisu imali karakter predstavke.

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

Ovim Zakonom se utvrđuju uvjeti za nabavljanje, držanje i nošenje oružja i municije, oduzimanje oružja i municije, promet oružja i municije, popravljavanje i prepravljavanje oružja na području Kantona Sarajevo (član 1. Zakona)

U periodu januar – juni 2012. godine evidentirano je 47 krivičnih djela koja su regulisana Zakonom o nabavljanju, držanju i nošenju oružja i municije (18 manje), počinjenih od strane 52 izvršioaca, od kojih su 24 lišena slobode.

Od strane Policijskih uprava fizičkim licima izdato je 321 odobrenje za nabavku vatrenog oružja, 438 oružnih listova i izvršeno 176 zamjena oružnih listova za fizička lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: 81 pištolj, 17 pušaka, 67 noževa i drugih oštih predmeta, četiri boksera, 1.656 kom. municije različitog kalibra, 75 petardi, 26 ručnih bombi, itd.

Takođe, u ovom periodu organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije "ŽETVA 2012" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji između ostalog prikupljeno je slijedeće naoružanje:

- ručne bombe – 63 komada.,
- mine, granate i sl – 19 kom.,
- pištolji – 42 kom.,
- puška – jedan kom.,
- municija raznog kalibra – 2.815 kom., itd.

6. RAD POLICIJE U ZAJEDNICI

Policijski službenici Uprave policije MUP-a KS su u periodu januar - juni 2012. godine preduzimali brojne aktivnosti u sklopu Rada policije u zajednici (RPZ), s čim u vezi su održavani sastanci sa građanima/zajednicom, ostvarivani kontakti sa organizacijama i institucijama koje su uključene u realizaciji RPZ, održavana su stručna predavanja iz oblasti rada policije i policijske radionice, dijeljeni plakati, brošure i drugi edukacijski materijal, i dr.

Između ostalog, ostvareni su kontakti sa nadležnim licima iz Centra za suvremene inicijative, u svrhu zajedničkih aktivnosti na realizaciji projekta "Mladi i droga", sa ciljanom grupom učenika sedmih i osmih razreda osnovnih škola na području Kantona Sarajevo.

Održavani su mjesečni radni sastanci sa predstavnicima svih općinskih službi socijalnog rada JU Kantonalni centar za socijalni rad, Centra za mentalno zdravlje, te psihologa, pedagoga i socijalnih radnika zaposlenih u osnovnim i srednjim školama. Svrha održavanja sastanaka je preveniranje i rješavanje problema u neprilagođenom ponašanju jednog broja učenika u predškolskim i školskim ustanovama Kantona Sarajevo.

Data je saglasnost za za provođenje projekta – kampanje “Neka znanje bude tvoje jedino oružje”. Cilj navedne kampanje je da se građani, a posebno učenici educiraju i da im se skrene pažnja na zabranu nošenja i korištenja vatrenog i hladnog oružja na javnim mjestima, posebno u obrazovnim ustanovama, te o tragičnim posljedicama nošenja i korištenja ovog oružja.

Početakom mjeseca juna izvršene su pripreme za održavanje 9. Kid's festivala u vidu distribuiranja plakata u cilju obavještanja Osnovnih škola na području Kantona Sarajevo, ostvarivanju kontakata sa partnerskim institucijama i nevladnim organizacijama u cilju pripremanja materijala podrške.

U periodu od 08.06.do 12.06.2011. godine aktivno sudjelovanje u održavanju 9. Kid's festivala u vidu učestvovanja na u Kid's paradi, pripremanju radnih tačaka, svakodnevnom izvođenju edukacijskih sadržaja za organizirane grupe, kao i za pojedinačne posjetitelje.

Sarajevo, 24.07.2012. godine

**Odsjek za odnose s javnišću
MUP-a Kantona Sarajevo**